




Gabinete Wever - Croes II

ISLA ((•)) NLINE

Diaranson 9 Februari 2022

Email: IslaOnline@gobierno.aw Tel: 528-4952

NOTICIA DI GOBIERNO



20
22

AÑA DI
INVERSION Y
OPORTUNIDAD



PROME MINISTER A RICIBI BISHITA DI CONSUL DI ITALIA ESTABLECE NA MARACAIBO




Dialuna 8 di februari, Prome Minister di Aruba, Evelyn Wever-Croes, a ricibi bishita di Consul di Italia cu ta establece na Venezuela, ciudad Maracaibo, Dr. Aniello Petito. Dr. Petito ta eherce e funcion aki desde mei 4, 2020. Bishita di Concil Petito tawata uno di cortesia y pa cera conoci cu Prome Minister di nos pais.

Durante e encuentro a elabora riba diferente tema di interes comun entre otro e crisis di Venezuela y e efecto cu esaki tin pa ambos pais. Tambe a papia di Covid y e situacion actual cu nos pais ta den. Prome Minister a elabora tambe riba e vision

di Gabinete Wever-Croes II pa recuperacion di nos pais y pa pronto nos ta fuerte y resiliente atrobe.

E reunion a bay den un bon esfera y e intension a keda di ambos banda pa sigui cu un bon relacion entre e paisnan.



Prome Minister Evelyn Wever-Croes: Riba e tema di Cambio Climatico

PROME MINISTER A DUNA DISCURSO DEN E CUMBRE DI UNIVERSIDAD DI ARUBA

Universidad di Aruba e siman aki a organisa un cumbre sumamente importante. E tema di e cumbre ta Cambio Climatico. Cambio climatico ta afectando henter mundo. Door di esaki e nivel di lama ta subi y esaki por tin un efecto devastador na Aruba aki un par di aña si esaki continua. P'esey henter mundo ta trahando riba diferente paso cu por wordo tuma pa por mitiga e efecto aki. Un di e temanan mas importante ta e tema di energia y e CO2 cu nos ta emiti generando energia. Aruba a base di esaki a traha un energy policy, maneho di energia. Durante e simposio aki, Prome Minister Evelyn Wever-Croes a expone kico ta e metanan cu Aruba tin pa cu e cambio climatico y pa cu energia.

Aruba tin metanan pa baha e emision di CO2 pa asina baha nos carbon footprint pa asina nos por logra cumpli cu e tratadonan di Paris y e tratadonan di Nacionnan Uni. Aruba su carbon footprint mundial no ta grandi, e ta hopi chikito. Pero si paisnan grandi mester cumpli cu e palabracionnan di e tratadonan pa baha nan carbon footprint, Aruba tambe mester duna di su parti. Y e maneho di energia di Aruba ta dirigi riba con ta bay logra esaki pa 2030 y con despues tambe pa 2050.

Den maneho di energia di Gobierno, ta tene cuenta tambe cu cualkier forma di energia cu scoge, mester ta affordable y confiabel. Nos ta tene cuenta tambe cu e efectonan macro economico di esaki.

Aparte di e maneho di energia cu nos tin, ta importante tambe pa señala tambe cu nos tin plannan mas ambisioso ainda. Nos companianan di utilidad ta trahando riba un 'decarbonization pathway' pa asina logra e metanan aki mas lihe cu 2030 y 2050. Tambe introduccion di LNG ta logra tambe na yuda esaki mas prome y e plannan di hydrogen tambe por yuda pa logra nos metanan mas lihe.

Aparte di energia, tin tambe infraestructura. Mester cambia codigonan di infraestructura pa asina tur hende cu bay construi edificionan y casnan nobo na Aruba, tene cuenta cu e reglanan necesario pa asina nos por brinda cabes na problemanan cu cambio climatico ta trece cu ne.

Nos ta mira cu rond mundo tin mas horcan por ehempel. Temperaturan ta birando mas calor. Pues tur esaki nos tin cu tene na consideracion y combina cu e echo cu e nivel di lama ta subiendo. Nos mester tene cuenta cu construccionnan tambe. Aruba su plan ta delinea, aworakinan nos ta den ehecucion di esaki pa asina Aruba tambe por brinda cabes na e problemanan di cambio climatico.



Premier Evelyn Wever - Croes: GOBIERNO PRONTO LO PROPONE MODELONAN ALTERNATIVO DI RECORTE NA EMPLEADONAN PUBLICO Y SEMI PUBLICO



Den e dianan aki gobierno ta finalizando modelonan alternativo cu kier ofrece na empleadonan publico y semi publico. Unabes CAFT duna aprobacion na e tres modelonan aki, gobierno lo presenta esakinan na sindicatonan y empladonan publico y semi publico, cu despues lo por scoge cua opcion ta traha mihor pa nan. Te ora cu haya salario completo bek.

KICO KIERMEN CU ESAKI?

Manera cu ta conoci empleadonan publico y semi publico ta entregando 12,6% di nan entrada desde 1 mei 2020 na momento cu e pandemia a bati na nos porta. Recientemente, gobierno di Aruba a pidi Hulanda pa e aña aki (2022), cuminsa cu e proceso pa 'bouw af' e recorte ey. Pues pa haci e recorte mas chikito te cu e ta bira 0 y tur hende ta haya nan salario completo bek. Despues di e Rijksministerraad cu a tuma luga siman pasa, Prome Minister Wever - Croes a anuncia cu e peticion aki di Aruba a wordo nenga door di Hulanda, pero cu nan ta dispuesto pa sigui papia. Prome Minister a expresa cu lo haci uzo di e oportunidad aki otro siman ora Secretario di

Estado Alexandra van Huffelen ta na Aruba. Mester bisa cu durante Rijksministerraad a wordo bisa cu Aruba ta permiti pa desaroya otro tipo di modelo, modelonan alternativo, cual gobierno ta bezig cu ne.

TRES MODELONAN ALTERNATIVO

Premier Wever - Croes a duna di conoce cu a traha riba tres modelo cual a presenta na CAFT, pa nan por bisa nos si ta duna nan aprobacion na esaki.

(1) E prome modelo ta un modelo cu ta keda igual manera cu e situacion ta aworaki. (2) E di dos modelo ta encera cu e ambtenaar ta entrega 11.5 dia di vakantie of ATV y a cambio, no ta corta mas e 5% di su salario. Pues tur luna e ta bay cu mas placa cas pero e ta entrega 11.5 dia pa esaki. (3) E di tres modelo ta un poco diferente, e ambtenaar ta keda cu su salario completo. No ta corta e 5%, e ta sigui entrega mitar di su vakantie uitkering pero ta entrega reparatietoelag di augustus y najaarstoelag di november completo y entrega 2 dia di vakantie.

Continuacion GOBIERNO PRONTO LO PROPONE MODELONAN ALTERNATIVO....

'E tres modelonan ki ta trahando riba nan y e idea ta pa presenta esaki na tur empleado publico y semi publico pa nan mes por haci nan escogencia.' Talbes un ambtenaar ta bisa cu e kier pa e recorte keda manera cu e ta, eorey e ta scoge opcion 1. Un otro porta ta pensa cu mas placa mensual den su man ta importante y ta entrega e dianan di vakantie, eorey e por scoge pa modelo number 2. E modelo number 3 ta un combinacion di e otro dosnan caminda cu ta bisa e placa ta importante tur luna, eorey a cambio ta entrega e premie cu mester haya na augustus y november, completo y ta entrega riba dje 2 dia di vakantie y tur luna ta haya 5% mas di salario.

Prome Minister a indica cu asina cu haya contesta di CAFT lo bolbe na mesa cu sindicatonan, pa presenta e modelonan y asina sindicatonan por presenta esaki na nan miembronan. 'Tin sindicato cu a indica den prome instante cu nan no ta interesa den esaki, talbes ora nan mire mihor elabora, nan tin mas interes. Tambe tin otro sindicato cu a expresa cu nan ta hopi interesa. Sinembargo locual cu realmente ta importante, ta kico e trahado ta pensa. Paso ta e trahado su placa, su salario y su dianan di vakantie', Prome Minister a agrega.

IMPORTANTE PA REFLEXIONA RIBA E TRATO Y RESPET PA OTRO

Prome Minister Wever - Croes a expresa di ta haye sumamente lamentablemente pa mira discusionnan den medionan social, riba e tema aki entre sindicato y Gobierno cual a polarisa nos comunidad. Hopi expresion, palabranan di critica y ofensa a wordo lansa riba nos empleadonan publico. Especialmente nos grupo di maestro/a y docentenan. Pesey kier a haci e apelacion aki na comunidad:

'Mi ta kere e ta importante pa nos para keto unrato y realisa e trabou importante cu nos empleadonan publico ta haciendo,

especialmente nos docentenan. Mama y tata di famia cu ta lanta tur mainta bay scol pa educa y duna enseñansa na nos yiunan. Pa yuda nos yiunan pa nan por ta un mihor version di nan mes. Nos docentenan, maestronan y nos maestronan ta duna alma y cuerpo pa nos yiunan y semper nan a hacie na un forma cu nos tabata hopi orguyoso di nan. Den e dianan aki, ban mostra nos aprecio na nos docentenan, nos maestronan y maestranan. Nan ta bringando pa un derecho cu nan tin y tur hende tin derecho pa bringa pa su derecho.' Prome Minister a sigui expresa cu na e momentonan aki, si nos muestra mas comprension y mas empatia, ta sigur cu lo yega mas leu.

Gobierno ta compronde preocupacion di mayornan tambe tocante kico lo bay pasa cu e yiunan si orario di scol bira menos y si docentenan no bay traha. Sinembargo, polarisa, falta respet, critica, zundra, expresa odio, expresa frustracion no ta bay yuda ningun hende.

'Laga nos respeta otro, laga nos respeta e posicion di docentenan, maestra y maestronan cu ta luchando pa un derecho cu nan tin. Laga nos muestra tambe respet pa e posicion di mayornan y bienestar di nan yiunan. Laga nos muestra respet na nos sindicalistanan cu ta haciendo loke nan tincu haci pa nan miembronan y ban mostra respet pa gobierno cu tincu percursa pa interes general di nos tur.'

Concluyendo Prome Minister a expresa y recorda un y tur cu na e momentonan aki Aruba ta den etapa di recuperacion. Aruba a pasa den temporadanan hopi dificil. Omicron a dal nos mas duro cu tabata pensa. Aruba mester di nos tur na e momentonan aki pa nos reconstrui, fortifica nos economia y pa asina nos hiba nos Pais dilanti. Aruba ta conta cubo!





MINISTER ARENDS CU BISHITA PA ICAO



Riba invitacion di Organizacion Internacional di Aviacion Civil (ICAO), Minister Ursell Arends kende ta encarga cu transporte, lo sali rumbo pa Mexico, caminda lo tin un encuentro importante cu e grupo ICAO

lo haya diferente presentacionnan pa loke ta e cumplimento di Aruba cu e normanan di ICAO. Tambe lo haci palabracionnan riba plannan di accion pa mehora unda por drecha e cumplimento di Aruba y tambe lo elabora riba asistencia

tecnico, den cuadro di e programma “No Country Left Behind” di ICAO.

E reunionan aki ta di suma importancia pa asina asegura cu henter e sistema di aviacion di Aruba ta cumpli y lo sigui cumpli cu e normanan di ICAO, mirando cu nos turismo ta depende riba e sector di aviacion pa garantisar tur hende nan seguridad, y maneho di fluho di transporte aereo na e forma mas optimal posibel.



TUR BOEI A WORDO INSTALA NA DIFERENTE AREA MANERA A SER ANUNCIA

Tabata na november di aña 2021 cu Minister di Turismo y Salud Publico Sr. Dangui Oduber a anuncia e proyecto di boei caminda lo drecha algun boei existente y instala boeinan nobo. E proyecto aki a keda financia pa Aruba Tourism Authority (ATA). Mester bisa cu tur cos a cana bon y algun siman atras e compania di Varadero a entrega e proyecto, awor nos boeinan ta den bon estado. E proyecto aki tabata importante den e cuadro di mehoracion di e producto Aruba.

Den e proyecto aki a percura pa duna mas seguridad na e landradonan cu ta haci uzo di nos lamanan, esaki ta hopi importante y esencial. E areanan cu a haya boei ta, e area di Arashi, Malmok, Tres trapi, Palm Beach y Costa Linda. Den e proyecto aki a pone boei nobo unda cu no tin boei ainda. Caminda cu ya tin boei caba a scapa mastanto boei posibel por medio di reparacion y a reemplasa esnan cu no por a wordo drecha pa boeinan nobo.

Minister Oduber ta kere den e turista di calidad, e turista cu ta laga mas hopi placa den Aruba su economia. Pesey e mandatario a pone den su maneho cu lo bay enfoca pa riba e perfil di turista di "High Value Low Impact Tourism". Esaki ta e turista cu ta gana mas di 150 mil dollar pa aña y ta respeta Aruba su naturalesa como tambe nos balornan cultural.

Minister Dangui Oduber ta bay sigui inverti pa mehora e producto Aruba pa asina pa por duna un mihor experiencia posibel na nos bishitantenan. Actualmente tin e proyecto di Baby Beach Promenade y tambe e proyecto di trapi na Rodgers beach cu ta den pleno ehecucion. Na cuminsamento di aña a anuncia cu pronto lo bay cuminsa cu fase 3 di e proyecto di Boardwalk Malmok. Di e manera aki Minister Oduber ta sigui traha na bienestar di nos turismo.

Finalmente e mandatario kier a gradici ATA pa pone e fondonan disponibel pa asina haci e proyecto aki un realidad. Aruba su turismo ta progresando, pronto Aruba lo yega 100% di recuperacion, turismo ta keda e driver di nos economia.





TRABOUNAN A INICIA PA CU RENOBACION DI HUIS VAN BEWARING; GUARDA NOS COSTA



Diaranson mainta, durante rueda di prensa, Minister di Husticia y Asuntonan Social Sr. Rocco Tjon, conhuntamente cu director di Guarda Nos Costa (GNC) Sr. Richard Kramers, a anuncia e proyecto grandi di renobacion di “Huis van Bewaring”, cual ta un inversion substancial cu ta bay wordo haci pa amplia e capacidad, caminda personanan indocumenta ta wordo ubica. E oficina principal di GNC lo wordo renoba, pero tambe lo bay crea un espacio caminda e personal por haci nan trabou bou circunstancianan mucho mas miho. Minister Tjon a enfatisa riba e importancia di inversionnan specifico pa loke ta trata trabou di e personal.

E proyecto aki ta acopla na un proyecto di ICT caminda ta bay percura pa e personal cu ta traha na GNC por tin un sistema automatiza den cual nan por traha y haci nan trabou. E proyecto aki ta cay bou di ActPol, mas especificamente e “module” pa loke ta trata e cadena di estranheria. ActPol, manera ta conoci,

ta e sistema automatiza cu Cuerpo Policial tambe ta usa, pues di e forma aki lo bay percura pa e dos departamentonan aki ta mas sincronisa na otro, pa di e forma ey comparti informacion mucho mas miho cu otro.

E proyecto aki ta toca e parti di infraestructura y inversionnan cu ta wordo haci riba e parti tecnologico, pero di otro banda, manera ta conoci, luna pasa a firma un MOU entre GNC y Rode Kruis. Bou di e MOU aki, a brinda Rode Kruis acceso na e facilidadnan di GNC pa na momento cu tin un keho cu ta wordo haci, Rode Kruis mes por drenta y wak e circunstancianan bou cual e personanan ta wordo ubica. Segun e Mandatario a expresa, Gobierno di Aruba a asumi su responsabilidad y ta haciendo e inversionnan necesario. Sinembargo, na final di dia e ta keda e responsabilidad di cada persona cu ta wordo ubica na “Huis van Bewaring”, pa percura tambe cu e condicionnan bou cual nan ta ubica wordo bon manteni.

Continuacion TRABOUNAN A INICIA PA CU RENOBACION DI HUIS VAN BEWARING....

Por ultimo, Minister Tjon a enfatisa riba e hecho cu tin diferente inversionnan cu ta bay tuma luga, mirando tambe cu 2022 ta aña di inversion y oportunidad. Algun proyecto cu ta presupuesta pa aña 2022, y como tal a wordo inverti aden caba ta: Maritiem Politie, Departamento di Asunto Social cual ta bay continua cu e renobacion completo, construccion di e edificio nobo di FMAA/SPD y Guarda Nos Costa. Adicionalmente, dentro di dos siman, lo bay anuncia tambe, e renobacion completo di e brandweer post na San Nicolas, cual ta proyecta di ta un inversion bastante grandi. Minister Tjon a manda palabranan di pabien y gradicimento na DOW como tambe e compania ALBO cual ta bay percura pa e proyecto di renobacion aki di "Huis van Bewaring" por ta uno exitoso.





MINISTER DI DEPORTE A BISHITA ENTRENAMIENTO DI NOS PROSPECTONAN LOCAL Y PELOTERONAN PROFESIONAL

Ayera mainta Minister Endy Croes tabata presente na stadion Nadi Croes / Crismo Angela Baseball Park unda a bishita entrenamiento di nos prospectonan local y peloteronan profesional kendenan ta den ful preparacion y entrenamiento pe temporada 2022 cu lo inicia pronto. Minister Endy Croes a combersa cu Eugene Kingsale kende a elabora con e programa di entrenamiento ta wordo prepara. Banda di ta traha riba e preparacion fisico, ta traha riba entre otro; bateo, coremento di base y diferente otro ehercionan. Tambe por a mira peloteronan profesional di 'Big League' manera Otto Lopez di Toronto Blue Jays presente hunto cu diferente peloteronan cu ta den 'Minor League' manera Brandon Hernandez, Charles Leblanc, Narciso Crook y Francisco Hernandez kendenan ta na Aruba hunto cu nos gran pelotero Chadwick Tromp.

Minister Endy Croes a hiba palabra y motiva nos peloteronan pa sigui haci nan miho esfuerzo, traha duro cu dedicacion, determinacion y disciplina nan por logra nan deseo y soñonan.

'Nos ta contento y satisfecho con e entrenamiento di e peloteronan firma y esun di 'College' ta bayendo', e mandatario a expresa. Por ultimo Minister Endy Croes ta desea tur nos peloteronan hopi exito durante nan temporada nobo di baseball 2022 y cu por conta cu sosten di Ministerio di Deporte!



Fechanan fiho pa 2022



UNOCA

Tanda 1

Ultimo dia pa yena y entrega formulario: december 2021



Tanda 4

Ultimo dia pa yena y entrega formulario: 1 juni 2022

Peticionario lo reuni cu directora: Entre 7 cu 13 di juni 2022

Contesta: 13 di juli 2022

Ehecucion di proyecto: 14 di juli 2022 - 31 december 2022

Tanda 2

Ultimo dia pa yena y entrega formulario: 1 februari 2022

Peticionario lo reuni cu directora: Entre 7 cu 11 di februari 2022

Contesta riba peticion: 8 di maart 2022

Ehecucion di proyecto: 9 di maart 2022 - 31 di december 2022



Tanda 5

Ultimo dia pa yena y entrega formulario: 1 di augustus 2022

Peticionario lo reuni cu directora: Entre 5 y 11 di augustus 2022

Contesta: 12 september 2022

Ehecucion di proyecto: 13 di september 2022 - 31 di december 2022

Tanda 3

Ultimo dia pa yena y entrega formulario: 1 april 2022

Peticionario lo reuni cu directora: Entre 7 cu 13 di april 2022

Contesta riba peticion: 13 di april 2022

Ehecucion di proyecto: 14 di april 2022 - 31 di december 2022

Tanda 6

Ultimo dia pa yena y entrega formulario: 1 october 2022

Peticionario lo reuni cu directora: Entre 6 y 12 october 2022

Contesta: 14 di november 2022

Ehecucion di proyecto: 15 di november 2022 - 31 di december 2022

Mester mas informacion?

Tocante UNOCA: www.unoca.aw

Pa condicionnan aplicabel: <https://unoca.aw/info-on-application/>

Pa formulario di aplicacion: <https://unoca.aw/form-page/>

Mester mas ayudo?

Telefon: 583-5681

Email: general@unocaruba.org

Flexibilisacion di Medidanan

Pandemia Covid-19 entrante februari 4, 2022

Ora di cera pa HORECA 1:00 AM y pa sector CASINO 2:00 AM



HORECA

- Maximo 10 persona na mesa den restaurant, paden y pafo.
- Bar y Rumshopnan maximo 10 mesa y 4 persona na mesa, paden y pafo.
- Ora di cera ta 1:00 a.m. y Casino 2:00 a.m.



TAPABOCA

Uzo di tapaboca ta keda obligatorio, den tur establecimiento, incluyendo gym y school.



CUARENTENA

- Es cu ta vacuna cu e "Serie Basico" no mester bay den cuarentena mas. Cu Serie Basico ta referi na ciudadano entre 12 cu 17 aña cu a ricibi 2 dosis di vacuna di Pfizer y pa ciudadanonan di 18 aña of mas cu a ricibi 3 dosis di vacuna Pfizer. Pa esnan cu a vacuna cu Johnson & Johnson esaki nifica 2 vacuna di J&J of tambe por 1 vacuna di J&J y 1 Pfizer.
- Esnan cu tampoco mester bay den cuarentena ta esnan cu a caba di recupera di un infeccion cu COVID no mas cu 4 siman atras y tin un 'Recovery Letter' di esaki.



ENTRETENIMIENTO MUSICAL

- Banda completo por toka.
- Ta permiti pista di baile y bailamento.



DEPORTE

- Un maximo di 300 publico paden y den aire liber maximo 500 publico por ta presente.
- Tur medida di hygiene y distanciamiento social ta keda na vigor y lo tin control di Taskforce.
- Den caso di incumplimento lo por para e actividad.



GEBIEDSVERBOD

A keda elimina.



COMERCIO

- Comercio ta bek na 100% capacidad (cinema, tienda, supermercado, misa).
- Entiero ta bek na 100% capacidad.



ESTABLECIMIENTO NOCTURNO

- Ta permiti un maximo di 300 persona paden y 500 pafo (si espacio ta permiti).
- Banda completo por toka.
- Ta permiti pista di baile y bailamento.



BIAHE

Pasaheronan cu ta biaha pa Aruba mester presenta un di e siguiente documentonan prome cu biaha:

- Un PCR test negativo no mas bieu cu 3 dia prome cu biaha.

Of

- Un Antigen test negativo no mas bieu cu 1 dia prome cu biaha.

Of

- Un certificado di vacuna cu ta inclui un boostershot, di cual e boostershot mester a wordo tuma por lo menos 7 dia prome cu biaha.

Of

- Un PCR test positivo cu ta por lo menos 10 dia bieu, pero no mas bieu cu 12 siman.

Of

- Pasaheronan entre e edad di 12 y 17 aña por presenta un certificado di vacuna cu ta prueba cu nan a ricibi 2 prik (primary series). E ultimo prik mester a wordo tuma por lo menos 14 dia prome cu biaha.

Nota:

Solamente residente di Aruba por opta pa hasi un PCR test na yegada di airport, en bes di presenta un test/vacuna prome cu biaha.




SAMENSCHOLINGS-VERBOD / AGLOMERACION

A keda elimina.



BISHITA, FIESTA Y ENCUENTRO SOCIAL

Bishita na cas, fiesta y encuentro social na cas of otro caminda ta permiti, cu un maximo di 300 persona paden y 500 persona pafo.



EN GENERAL



Mester sigui mantene y cumpli cu e reglanan di Distancia y Hygiene na tur momento.

Departamento di Salud Publico: UPDATE 9 DI FEBRUARI 2022

Segun resumen di awe 40 persona a recupera y un total di 29 caso nobo di COVID-19 a keda registra di cual 7 ta no-residente. E cifranan aki ta representa un 'Positivity rate' bou di nos residentenan di 26%.
E cantidad di casonan activo di COVID-19 pa awe ta 137 y cantidad di fayecidonan relaciona cu COVID-19 ta 196. Datos ta ilustra casonan nobo di COVID cu un averahe semanal di

37 caso pa dia y un averahe di 'Positivity rate' semanal di 36% pa dia.
Actualmente na Aruba tin 18 persona interna cu of debi na COVID di cual den ICU tin 2 persona y riba piso general tin 16. Na Colombia tin actualmente 6 persona den ICU y ninguno (0) riba piso general.

9/2/2022	TOTAL	RESIDENTE	NO-RESIDENTE
Casonan Nobo	29	22	7
Activo	137	116	21
Recupera	33073	28651	4422
Positivo	33406	28958	4448
Morto	196	191	5
Vacuna	86950	-	-
Hospitalisa	18	-	-
AUA			
ICU	8	-	-
AUA	2		
COL	6		

HABITONAN PA KEDA Saludabel

DEN TEMPO DI COVID-19 Y VACUNACION

MINISTERIO DI TURISMO, SALUBRIDAD PUBLICO Y DEPORTE

DVG

VACUNA PA NOS POR progresa

Prepara alimento den famia

Involucra bo yiunan den e preparacion di cuminda. Cushina por ta un bunita oportunidad pa comparti y promove habitonan saludabel den famia. Siña bo yiunan e balor nutritivo di cada ingrediente. Mostra nan e manera mas saludabel pa cushina cada producto. Mas bo cushina na cas cuminda nutritivo, mas saludabel bo lo keda. Pa combati COVID-19 bo mester mantene bo salud y vacuna, ya cu ta comproba cu e vacuna tin un efectividad halto pa proteha bo y evita transmision. Ban uza tur e hermentnan cu nos tin pa caba cu e virus aki na nos isla!

Ami Si ta vacuna!

Mantene 1.5M minimo di distancia

Laba man frecuentemente

Uza tapa boca paden di tur lugar.

VACUNA!

2022 | AÑA DI
INVERSION Y
OPORTUNIDAD



INVERTI DEN BO MES,
TA E MIHO INVERSION CU BO POR HACI.
E TIN POCO RISICO Y
TA GARANTISA RESULTADO GRANDI.